

मार्निंग डोगरी न्यूज बुलेटिन, समें. 09.20 Hrs

<><><><><><>

Headlines

- 1- जम्मू-कश्मीर विधानसभा चुनां दे पैहले गेड़ तैहत अज्ज वोट पोआए जा करदे न। 7 जिलें च फैली दिएं 24 विधानसभा सीटें लेई मतदान बड्डलै 7 बजे शुरू होआ। अज्ज 23 लख कोला मते मतदाता 219 मेदवारें दे सियासी भविक्ख दा फैसला करडन।
- 2- जम्मू-कश्मीर विधानसभा चुनां दे पैहले गेड़ तैहत 35 जहार कोला मते कश्मीरी विस्थापित मतदाता बी वोट पाने लेई दर्ज न, जिंदे लेई दिल्ली, जम्मू ते उधमपुर च विशेष मतदान केंद्र बनाए गेदे न।
- 3- प्रधानमंत्री नरेंद्र मोदी होरें जम्मू-कश्मीर दे मतदाताएं गी आखेआ ऐ जे ओह बद्दोबद्द गिनतरी च वोट पाने लेई अग्गे औन ते लोकतंत्र दे सब्बनें शा बड्डे उत्सव गी मजबूत बनान।
- 4 विधानसभा चुनां दे त्रीए ते खीरी गेड़ लेई दाखल नामजदगियां वापस लैने दे कल खीरी रोज 34 मेदवारें अपने नामांकन परताई लैते। इस गेड़ तैहत 40 विधानसभा हल्के लेई होने आले मकाबले च हून 415 मेदवार बाकी रेई गेन। बारामुला सीट पर सब्बनें शा मते 25 ते अखनूर सीट पर सब्बनें शा घट्ट 3 मेदवार चुनां मैदान च न।
- 5 मुख् सचिव होरें कल विधानसभा परिसरें, MLA होस्टलें दी मरम्मत दे कम्में दा जायजा लैता।

<><><><><><>

Voting-Conference

जम्मू-कश्मीर विधानसभा चुनावों के पहले गेड़ तैहत अजज केंद्र शासित प्रदेश के 7 जिलों च फैली दिएं 24 विधानसभा सीटें लेई वोट पोआए जा करदे न। मतदान बड्डलै ठीक 7 बजे शुरू होई गया हा। मतदान शुरू होने कोला पेहले चुनावों अमले ते पोलिंग एजेंटों दी मजूदगी च वोट पाने दा भ्यास बी कीता गेआ। जम्मू संभाग के त्रऊं जिलें डोडा, किश्तवाड़ ते रामबन च वोट पोआए जा करदे न जित्थे बड्डलै सवेला थमां गै लोक मतदान केंद्रों के बाहर लम्मिएं-लम्मिएं रींगें च किट्ठा होना शुरू होई गेदे हे। डोडा थमां ताजा जानकारी कन्नै स्हाड़े सांवददाता फैयाद पाम्पोरी।

सबबनें जि प्रशासनें आस्सेया मतदान पूरी चाल्ली रमानदारी ते बवस्था आले ढंग्गै सिर तोड़ चाढ़ने लेई लोड़चदे सब्बै बंदोबस्त कीते गेदे न।

रामबन् थमां स्हाड़े जिला संवादाता अजयदीप नै किश मतदाताएं कन्नै गल्लबात बी कीती।

इस गेड़ तैहत 23 लक्ख कोला मते मतदाता 219 मेदवारें के सियासी भविक्ख दा फैसला करंगन जिंदे चा 90 अजाद मेदवार न। जम्मू-कश्मीर विधानसभा लेई चुनावों त्रऊं गेड़ें च करोआए जा करदे न। दुए गेड़ दा मतदान 25 सितंबर ते त्रीए गेड़ दा मतदान .पैहली अक्टूबर गी होग। वोटों दी गिनतरी 8 अक्टूबर गी कीती जाग।

<><><><><><>

Migrants-Voters

कश्मीरी विस्थापित मतदाताएं लेई अज्ज विशेष मतदान केंद्र जम्मू, दिल्ली ते उधमपुर च बनाए गेदे न। मुख्यै दे बक्ख-बक्ख हिस्सें च रवा करदे 35 जहार कोला मतेम योग्य विस्थापित मतदाता दर्ज जिंदे लेई 24 मतदान केंद्र कायम कीते गेदे न। आकाशवाणी दे जम्मू संवाददाता नै जानकारी दिती ऐ जे कश्मीरी विस्थापित मतदाता दक्खनी कश्मीर दे 16 विधानसभा हल्के लेई वोट पाने दे अपने अधिकार दा इस्तेमाल करडन। राहत ते पुनर्वास आयुक्त डॉ. अरविंद करवानी, जेड़े चुनां प्रक्रिया दी गिनरानी करै करदे न, होरें आखेआ ऐ जे जम्मू च बनाए गेदे 19 मतदान केंद्रें पर वोट पाने लेई दर्ज कश्मीरी विस्थापित मतदाताएं दी गिनतरी 34 जहार 852 ऐ। इस्सें चाली 648 कश्मीरी विस्थापित मतदाता उधमपुर ते दिल्ली च बनाए गेदे विशेष मतदान केंद्रें पर वोट पाने लेई दर्ज न। उधमपुर च स्हाड़े जिला संवाददाता सचिन दुबेनै अज्ज बडुलै उत्थे वोट पाने आए दे कश्मीरी विस्थापित मतदाताएं कन्नै गल्लबात कीती।

<><><><><><><><>

PM-JK

जम्मू-कश्मीर विधानसभा चुनाएं दे पैहले गेड़ तैहत अजज वोट पाए जा रदे न। प्रधानमंत्री नरेंद्र मोदी होरें मतदाताएं थवां अपील कीती ऐ जे ओह् खरी मती गिनतरी च बाहर औन ते वोट पाइए लोकतंत्र गी मजबूत बनान ते लोकतंत्र दे इस उत्सव गी मनान। अपने इक सोशल मीडिया पोस्ट च मोदी होरें युवाएं खास करी पैहली बारी आले मतदाताएं गी वोट पाने दे अपने हक्क दा इस्तेमाल करने लेई प्रेरित कीता।

<><><><><><><><>

Jammu-Bicycle

जम्मू स्मार्ट सिटी आस्सेया विधानसभा चुनां बारै मतदाताएं च जागरूकता पैदा करने लेई इक साइकल रैली दा सरिस्ता कीता गेआ। इसी जम्मू दे डिप्टी कमिशनर सचिन कुमार वैश्य होंरें इंडी दस्सिए रवाना कीता। एह नरैली बाल्मिकी चौक थवां शुरू होई, ग्रीन बेल्ट पार्क थवां हुंदी होई बाल्मिकी चौक आइए सम्पन्न होई गेई। एहदे च खरी मती गिनतरी च प्रतिभागिएं हिस्सा लैता जिंदे च अफसर, खडारी ते मुकामी लोक शामिल हे। इनें सब्बनें लोकतंत्र गी मजबूत करने लेई अपनी बचनबद्धता गी जाहिर कीता।

<><><><><><>

Congress

विधानसभा चुनाएं दे मद्देनजर कांग्रेस नै चरणजीत सिंह चन्नी ते मुकेश अग्निहोत्री गी ऑल इंडिया कांग्रेस कमेटी दे वरिष्ठ निगरान नियुक्त कीता ऐ। चन्नी होर पंजाब दे साबका मुखमंत्री न ते अग्निहोत्री होर हिमाचल प्रदेश च उप मुखमंत्री न। कांग्रेस अध्यक्ष मल्लिकार्जुन खड़गे होंरें चन्नी ते अग्निहोत्री होंरें गी फौरी प्रभाव कन्ने जम्मू-कश्मीर विधानसभा चुनाएं लेई पार्टी दे वरिष्ठ निगरान दे तौरा पर नियुक्त कीता ऐ।

<><><><><><>

Heritage-Restoration

संस्कृति सरबन्धी प्रधान सचिव सुरेश कुमार गुप्ता होंरें कल उधमपुर जिले दा व्यापक दौरा लाया ते विरासती ते ऐतिहासिक थाहरें गी परतिए नमें सिरेआ सोआरने लेई चला रदे कम्में दा जायजा लैता। अपने दौरे दौरान प्रधानमंत्री सचिव होंरें चराई मुतल ते क्रिमची आले किला दी मरम्मत आले कम्मै दा जायजा लैता। उनें मुतलका अफसरें गी हिदायत कीती। उनें मुतलका

अफसरें गी हिदायत कीती जे ओह बाकी रौहंदे कम्मै गी 2 म्हीने दे अंदर-अंदर पूरा करन। एह विरासती परिसर टिक्करी ग्रां थ्वां 7 किलोमीटर दूर ऐ ते इयां आखेआ जंदा ऐ जे एह 200 बरे थ्वां बद्द पराना ऐ। प्रधान सचिव होरें कम्मै दी रफ्तार गी बदाने ते मौजूदा माली बरे च इसी मुकम्मल करने पर जोर पाया।

<><><><><><>

Withdrawl

जम्मू-कश्मीर विधानसभा चुनाएं दे त्रीए ते खीरी गेड़ लेई दाखल नामांकन वापस लैने दे खीरी रोज कल 34 मेदवारें अपने नामांकन वापस लेई लैते। इस गेड़ तैहत केंद्र शासित प्रदेश दे 7 जिलें च फैली दिएं 40 विधानसभा सीटें लेई वोट पोआए जाडन। 34 मेदवारें आस्सेया नामांकन वापस लेई लैने दे बाद हून इस गेड़ लेई 415 मेदवार चुनां मतदान च रेही गेनल?। इस गेड़त्र तैहत पैहली अक्टूबर गी वोट पोआए जाडन। मुख् चुनां अफसर हुंदे दफ्तर आस्सेया जारी जानकारी मुजब सब्बनें शा मते 16 मेदवारें कुपवाड़ा जिले च अपने नामांकन वापस लैते न जिसले जे साम्बा जिले च कुसै बी मेदवार नै अपना नामांकन नेई परताया। ध्यानजोग ऐ जे कुल 486 मेदवारें नामांकन दाखल कीते हे।

<><><><><><>

CS-Assembly

मुख् सचिव अटल डुल्लू होरें जम्मू ते श्रीनगर आले विधानसभा परिसरें गी नमें सिरेआ सौआरने ते उंदे रख-रखाव सरबन्धी केई महत्वपूर्ण मामलें दा जायजा लैता। उनें एमएलए होस्टल ते चुनां प्रक्रिया सम्पन्न होने मगरा विधानसभा दे सुचारू कम्मकाज गी यकीनी बनाने लेई

अमले दी दस्तेयाबी दा बी जायजा लैता। मुख सचिव होंरें कम्मै गी तेजिया कन्नै पूरा करने पर जोर पायां एहदे कन्नै गै उनें कम्में दे म्यार गी बनाई रखने लेई आखेआ। उनें ढांचागत कम्में कारवाइएं ते हेर दुए पैहलुएं जियां अग्ग थ्वां सुरक्षा, वाई-ुई दी सुविधा, लिफ्ट्स दी स्थिति दा बी जायजा लैता। बैठक दौरान नमिएं गड्डिएं दी खुश-खरीद बारै बी चर्चा होई। मोटर गैरेजस दे सचिव होंरें गी 21 नमियां गड्डियां खरीदने लेई आखेआ गेआ ऐ। इस दौरान मंत्रिएं दी सुरक्षा ते बुलेट प्रूफ गड्डिएं दी दस्तेयाबी दा बी जायजा लैता गेआ।

<><><><><><>